



本朝畫傳序

傳曰百工居肆イキクラニ以成其事テ
畫圖亦百工之一也故周
禮考工之屬記畫績之事ヲ
是以古來遊於此藝者不



少既有其事則各不能無
務務而成其事則得其名
得名豈其容易哉余見焦
氏經籍志有畫錄畫品畫
評畫繼畫斷等若干卷目

乃知輯錄能成其務得其
名者也 本朝亦非無達
此技者然輯錄不聞則殆
失其傳也方今洛人狩野
永納以畫世業遍考舊記

搜索倭字小說尋問輦下
古寺所藏收拾耳學口碑
之所傳聞而得其達者四
百數十人作之小傳其友
黑川道祐頗補助之遂勒


成五卷曾以與余通信求
弁一語於其端然余不知
繪事故不肯而閣之道祐
頻請不措祐之父陪我先
考之門通奕世之交故雖

有好事之慮不能峻拒焉
諄曰日月星辰雲霞在天
成象山川艸木鳥獸在地
成形共是自然之文也人
物亦各有象形其象也其

形也千變萬化不可勝言
也自然之文得於心而應
於手者畫也然則覃思於
此窺觀天地摸寫人物而
設各色以盡其變則成一

藝之務乎此五卷暗與米
芾朱芳之錄同名而我邦
之名畫者不朽而存也蓋
其庶幾張彥遠乎
延寶戊午之秋鷺峰林叟

操觚於東武岡塾



本朝畫傳總目錄

卷之一

畫原 畫官 畫所

畫考 畫運 畫式

畫題

卷之二

上古畫錄

是惟本朝習來古風不撰

貴賤悉列但以土佐家列之者隨古風以為專門之習也

卷之三

中世名品

但古風習來者變而倣漢

畫者也雙林之禪侶又自貴權至隱逸賤者

卷之四

專門家族

狩野長谷川之類或狩野

累世所用畫法

卷之五

雜傳 近世桑門遊藝之
一端弄筆人列之

或事實未
詳輩列之

補遺

附錄 畫器
繪具

總目終

本朝畫傳卷第一

畫原

狩野永納撰

夫以我 本朝之初天神以太占而卜

合之 太占訓不
土未耳 是既有觀象察理之道

又伊弉諾伊弉冊二神以天瓊矛畫海

而成嶋 天瓊矛訓安
未乃土保古 自爾有運筆成形

之勢地神之代諸神能工藝之事然不

明言能書畫者之名及人皇氏世其術

大興盛行矣

畫官

令云中務省畫土同正一人掌繪事彩

色義解云畫之雜之類其朱黛等雜色在大藏省及內藏寮隨其用度臨時

受用常不在判司事餘正判事准之佑

一人令史一人畫師四人畫部十六人

使部十六人直丁一人又源左丞相實

熙院號洞拾芥抄曰畫所有別當今按中世有畫

所頭準古別當者乎五位藏人預墨畫等有熟食

本是內匠寮雜等也分內豎按中世職

員不立畫工司蓋以內匠寮兼畫所職

也凡內匠寮所統廣故藤亞相親房號北

職原鈔曰內匠寮掌工匠事但近代

木工修理知其事頗似無其實

畫所

拾芥抄曰畫所訓惠土古且在建春門

內東脇御書所北按是大內裏之畫所也今以京城圖考之圖亦載拾芥抄建春門皇居東面之中門在壬生之勘解小路也中世有任其官者而不知其所又有春日畫所或曰南京宅間住吉民部芝四法眼等皆為斯任多為佛像今京師畫工有稱畫所者專主圖神佛畫法亦因舊其在昔時士大夫掌之而天

下諸畫皆統於此也

畫考

趙宋宣和畫譜曰宣和徽宗年號當本朝天仁帝時畫譜宣

和殿所製日本國有畫不知姓名傳寫其國

風物山水小景設色甚重多用金碧考

之未必真此第欲綵繪其有粲然以取

觀美耳又曰太平興國中宋太宗年號當本朝天祿

年日本僧與其徒五六人附海舶而至

不通華語問其風土並以書對書以隸
爲法其言大率以中州爲指式其后再
遣弟子以金麈硯鹿毛筆倭畫屏風奉
表稱賀今御府所藏海山風景風俗圖
是也胡元夏文彥圖繪寶鑑曰文彥字
士良吳
興人也順宗
至正年中著至今倭僧多能作墨畫觀
音佛像按所謂設重色用金碧者古來
倭畫皆然矣其墨畫佛像是五山禪侶

倣宋僧之所爲者也

畫運

古之以畫鳴者有大岡有巨勢而今其
跡不明著然上世之畫大抵真細之體
而已此爲古畫之式其後分爲二曰倭
畫曰漢畫倭者雖漸取氣韻而未離真
體藤信實鳥羽僧正二法眼等其倣者
也漢者學宋元之名踪而亦有真者其

行草二體是共用粗筆此法之行也亦
已久矣至可翁明兆及如拙周文方得
其精妙而人有賴焉其後又分爲三家
曰土佐曰雪舟曰狩野土佐氏是倭畫
之專門也雪舟子是漢畫之粗筆狩野
家是漢而兼倭者也土佐之倭樣是有
情而婉者也都其大小人面引鼻目而
成輕筆一引以成鼻目倭畫家謂之引目引鼻大低於松畫

雖不畫雄其他皆可以類推之雪舟是
有標而奇者也凡大小諸畫寫其意筆
鋒常在中心行無表裏翩翩之法皴法
只鹿鹵而了凡雪舟狩野同學周文而
各成一家別之者也狩野之家法每物
求其實擇其正故集前世名手所善以
爲已有惟其主筆力故無小畫而纖麗
又無細筆而容易狩野是畫家之長而

宗族廣遠家孫門弟之間不乏良才士
佐雪舟之技術亦能舉而用之也

畫式

朝廷所用繪畫者多則南殿御障子畫
賢聖像自金岡已來至近世畫工勤之
久矣上世每有慶事令畫屏風當時使
歌人書其上或先倭歌後繪畫其法可
依時代所謂大嘗會御屏風御賀御屏

風是也如今四方拜御屏風大宋御屏
風皆有粉本而官家之役人所藏也每
造內裏乃以舊本調進之尤不擇能畫
聊隨舊例耳然畫之用可知大者也
萩戶荒海鬼間手長足長等皆依其繪
而名其所今內裏略以素布貼壁而代
板畫或又殿壁有畫雜景者是中世之
流例也

中古殿上有繪合之御遊然則繪之所
被重也自古然也

畫題

萬里江山圖波與岸兩圖或瀟湘八景
西湖十景金山十雪等皆命題也此圖
今徃徃有焉然習寫之者誤古圖者多
譬杭州西湖上泛船掛布帆不知其湖
狹小矣又畫長恨歌大液芙蓉不知爲

荷花而畫木芙蓉我先考堯源主人
嘆有此病以古圖改之者粗多見之者
擇焉

本朝畫傳卷第一

